

古胸考略第五卷

海州喬紹傳纂

藝文考

經類

周易蘊凡例總論一卷

周易變卦解二卷

宋徐庸撰今佚

禹貢本末一卷

明鴻臚寺卿張朝瑞撰

見朱彝尊經義考
竹垞自註未見

古胸考略

卷之五

一

儀禮新儀四十卷

梁舍人鮑泉撰梁書云四十卷南史云三十卷

六經通數十卷

鮑泉撰見隋志

詔定古文字書一卷

後漢衛宏撰見唐志

孔門傳道錄

張朝瑞撰今佚

四書典雪

于昌符撰昌符雍王間板浦場貢生其書今闕

史類

漢書音十二卷

隋包愷撰

漢舊儀四篇

衛宏撰范蔚宗云載西京雜事隋唐宋志俱云四卷文獻通考作漢官舊儀今存

古胸考略

卷之五

一一

漢中興儀一卷

衛宏撰梁阮孝緒七錄有之隋亾

鑑誠錄十卷

後蜀何光遠撰集唐以來君臣事蹟可為法戒者宋志云三卷按此書今存凡十卷

廣政雜錄三卷

何光遠撰見宋志

明海州志

以下志乘類附

海州同知惠安張峯纂光祿寺卿贛榆裴天祐訂
隆慶五年刺史仁和鄭復亨修分纂者庠生孫瓘
新縣村人

明雲臺山志

萬歷間山東樂陵王府教授顧乾撰乾歲貢生閔
中村人

海州志十卷

順治庚子刺史龍城劉兆龍修州貢生趙一琴分

古胸考略

卷之五

三

纂

沭陽縣志

康熙甲寅縣令三韓張奇把翰林院侍讀邑人胡
簡敬修

續雲台山志一卷

趙一琴輯諸家咏雲臺詩附州志後

歷代雲臺山詩

庠生杜一璠集刊

雲臺山志八卷附志一卷

乾隆壬辰漕帥楚鄂崔公應階修山陽吳恒宣分纂

贛榆縣志

嘉慶丙辰縣令長白王城進士邑人周萃元修

明貢舉考

張朝瑞輯今存

劉荆山筆記

古胸考略

卷之五

四

康熙初南城廩生劉琨撰是書未見全帙僅於別集內見其徵引三條皆記桑梓間軼事

賢媛傳一卷

刊本載海州賢媛七人傳卷首有大原吳錦序

子類

老子道德經注二卷見唐志

開題序訣義疏七卷見唐志

莊子注三十卷疏十二卷宋志疏十卷

易流演五卷

宋志在五行類
演錯綜六十四卦
王應麟玉海云易流

道藏
錄之

唐成元英撰按唐書元英雖陝州人而隱居東海後從郁州似終於海州者非若包咸等復歸鄉里也故錄其著述

慮犧範圍圖傳二卷

宋黃巖撰見宋志子部雜家類

簞山觀物論一卷

古胸考略

卷之五

五

贛榆孫斯位撰

集類

賦誄頌七篇

衛宏撰

鮑參軍集十卷

宋鮑照撰梁七錄云六卷隋唐宋志俱作十卷

鮑泉集一卷

梁平北府長史鮑泉撰隋唐志有宋志無

代司空候安都謝賜甘露表一篇

辟雍頌一篇

文會詩集四卷

陳徐伯陽撰唐志有宋志無

吳少微集十卷

唐左臺御史吳少微撰唐志有宋無

閣中集十卷

南唐徐知諤撰文賦歌詩

古胸考略

卷之五

六

聶公真龕記一篇

何光遠撰

塵淨齋詩集

明歲貢知石埭縣陳嗣良撰

復山集

江之菑撰順治間遷撤海民盡移內地郁州亦在
裁例之蒞水流村人時為庠生率衆公請於漕督

帥公

顏保

題准開復故以名集篇首有帥公序

莪蒿集一卷

雍正壬子至甲寅

半繭園集一卷

乾隆丙寅

玉峰旅藁一卷

乾隆戊辰哀集宦稿

以上統名鷗汀詩鈔

鷗汀賦鈔一卷

贛榆孫斯位撰公字素行性至孝文思敏捷舉乾

隆丙辰第十三名孝廉官崇明縣教諭著述多散

佚茲據刊本錄之

歲寒軒詩集

以下僑寓

古胸考略

卷之五

七

吳季徵撰

季徵諱臺山之陽垂三十年後裔移居西

補元遺山集年譜二卷

校禮堂文集四卷

負土集一卷

游燕集一卷

易蝸集一卷

以上俱凌仲子先生寓海州時撰

集賦

國朝

江之蒞雲臺山始未賦

復山集

覽皇輿於攝提兮辰吹箕尾之析木仰星分於淮西
兮濤連淮泗之洪瀆顧大若之奔駉兮含日星以浴
沐測三山之浪驚兮惟鵬擊與鯤翻鼓鯨波以振輦
兮聞雷霆之謖謖窺鮫室之深鱉兮迺環碧水以挽
軸鼇聳山鄩之可犁兮田肥美而易稔蜃幻樓臺之
拂虞兮紀海勝而可翬環一峯之難躋兮突層霄以

古胸考略

卷之五

八

銳矗時蒼翠之榮低兮名青峯之馥郁雖迥異於紅
壑兮差派小而潛伏適淮浦謝耆之朝暝兮願輪奐
以祝髮感天人之航梯兮靈木由鱗穴而轉麓百工
子來而成蹊兮靈境環金碧以耀目不啻未央之壯
麗而刻枿兮妥三元以誠淑惟大帝之煽化而執圭
兮咸朝宗而嚴肅類彰瘡以赫濯群黎兮羌陟降於
於穆丕神休與旄齟兮
綸誥勅以鎮東隩覺皇之左峙而雲擠兮藏貝函於

金匱鈴鐸之突兀而一剗兮羽客望蒼梧以止宿樓
觀滄海之赤裨兮凌天琛以轉轂恍變化之莫可稽
兮賓若木而寅胸銜照擬暘谷之焚犀兮燭水怪而
炎煜挹晴峯於爐磬兮儼玉筍瑶簪之離陸瞰幽壑
於石隄兮若蠓螭之浮空而飲涑白雲嶺萃而逕迷
兮須臾蒼狗之曰服孃晴嵐與吐霓兮長虹之掛空
而影瀆紅紫萋萋兮歷四時而崖覆鳴禽迭啼兮奏
笙鏞於山谷篳篥之聳翠而奮稽兮振林皋而恐鷄

碧澗之怒虬而浮鷄兮九龍縣鮫織以噴澳崩崖之
恍巨擘而封兮一線客光以朗昱襯烟霞於樞鞞兮
之重樓而聚族眇猿鶴於山棲兮雜清磬以調祝極
騷客之留題兮冬青蔥而飛瀑時禪流之振詆兮偷
浮生而留竹抑松棟雲扉之光靈兮誠元都之錫福
方壺員嶠之宛馱兮洵海內之稱獨太華視若螭螭
兮崑崙一撮之可牧瀛海岑蹄兮星源之沆瀣而紛
霖神宮之壯締兮清炁紫微之披馥山川柔荑兮日

觀朱陵之綺縠劫灰幾燿兮滄桑如輻銅鈿委藜兮
勝跡淫錄赤鸞蒼麈兮元風丕摭名賢遁畦兮芳留
史牘瑣尾長嘶兮予獨效秦庭之哭會奏
御批兮閭尾兩議於樞軸電掃鯨鯢兮濱海開復忽
拜紫泥兮荒陬歸蔭哀鴻還定以相攜兮慶百堵之
方築
聖明昌熾聚奎兮三多潛慶以鼓腹我賦山谿兮愧
孔望之庸碌聊續寒蛻兮述雲臺之一掬

古胸考略

卷之五

十

孫斯位雲臺山賦

鷗汀
賦鈔

由吾道榮駐錫棲雲之嶺冥游巨平之巔披靈茆以
循古道倚巉巘而聽鳴泉亢然若無所營悄乎徑忘
所適四象悟心幽人來告俄見望日樓上紫雲鬱鬱
白玉為牀有一人醉枕紅氍霞氣流光其一人風佩
霞裾袖揮羽觴須臾響流雲際仙韻悠揚遂聞其辭
曰靈瑣兮旋辭飛輪兮下之冠切雲之岌岌兮佩紫
電之陸離乘三清以汗漫兮軒八景其風開道東溟

以周章兮息余駕乎雲臺指烟霞於海上兮浮玉巒
其無垠日月蕩其精鬼兮接諸峰之一竄潛九龍於
幽澗兮跨虹橋於長空備二十四氣兮磴逶迤於青
峰命神工與鬼斧兮修窳堵於戴村俄神工之已就
兮勢轟轟於天門飛雲鳧之雙雙兮適逍遙以在茲
踏雷雨之青冥兮鎮蛟螭之蠖蝼吾知石髓其非一
峰兮迺藥苗之萬族凡未之不敢生兮余其搴瑶筍
於幽谷浮景以極崇椒兮爛余憑乎玫瑰袖龍根而

劈麟脯兮藉余敷乎萁茅援北斗以酌金漿兮又何
捲乎碧筒醉清光於天際兮騎紅日於海中揚虹電
之竊其嬰萑兮御黃雀之長風晻孔旒於玉軼兮展
雲旗於豐隆後黃麒之從從兮翠鳳翼其承旂令萍
翳為灑塵兮俟余駕乎翠微駟素虎以驂龍兮目瞻
兩角而光芒翼翩翩其上翔兮日之晡余將行蕩蒼
梧於一拳兮眇伊盧之艤船聽龍洞之淙泓兮誰步
虛而安禪燦朱櫻於東磊兮石髮蔓於黃泥攀寶樹

於碧嶺兮掇陵岡之丹萸懸崖聳其對峙兮一線之
穹蒼呼馮虯其令擊鼓兮出貝闕與龍堂余賣藥海
之濱兮忽余遇夫秦皇遺赤舄之一兩兮金壁其出
之阜鄉瞬煙嵐之幻化兮拖海嶼以縈迴芳菲菲其
襲余兮又紅蕤之競開揚紫鸞之啾啾兮停余驂其
延停車不行而夷猶兮牽余情其何故花嫌春去之
早兮零紅雨而淚東風孤獸走索群以嗥秋兮蟋蟀
將語此紫茸錯新縣之紛紜兮迓軒車之蠢動飄旌

幟於墟溝兮調良駟而控送惟阡隴之纍纍兮叢薜
荔於烟蘿俯化迹於陰崖兮拱木其爛柯彼竇女之
含冤兮我上帝其知之屈鄒衍於當路兮飛霜霰之
迷離飲玉蘭之墜露兮攀梅樹之落英不吟玩其亦
已兮望之子之杳茫耿匡壁之餘光兮孤月皎其未
央來清風於于浦兮悵潮汐之蒼涼保厥美於遲暮
兮知理美其未沫散橐金於州黨兮賢哉其來歸披
懷夢之芊眠兮彌陵谷之青青抽芳心其亦瘁兮草

烏乎長生胡荃蕙之零落兮直同之乎蕭艾也懷清
馨而亦朽兮莫秋風之害也壹陰而壹陽兮胡生死
之俱未停餐日胎與月鷺兮詎有地之烏能霸隄楚
楚之衣裳兮蜉蝣其如之朝槿山有石之磊磊兮將
青蓮之來飲臺嵯峨而臨絕冥兮胡有身之可舍也
心低徊而顧懷兮曰余不得其名之故也總余轡其
仍留兮聊控景而容與望芝房而開雲閣兮召山靈
使告予芙蓉囊以為裳兮葺采衣之披披駕白鹿而

從青鸞兮車卒夸而桂旗霸繽紛其竝謁兮與余言
乎紫虛曰匪魑魅之邪惑兮嗟塵世之多愚何所獨
無香草兮余何薄乎海湄芳杜若於渚淑兮又文藻
之葳蕤南鉢池之餘銚兮啟金蟾於錦屏艷丹竈於
欄頭兮東又距乎蓬嬴堅和神於紫翠兮余緯繡其
難移夕歸次於縣圃兮朝濯髮乎咸池疇赤斧之媵
修兮漱元和於日夜吾令鳳鳥其騰颺兮屯飄風而
來御放紅鶴於鬱林兮潔石泉以濯纓苟發瓊笈於

岩巒兮愁芝草之不生
遭余道於天台兮指碧沙以
為期色濛濛其太古兮語
流水以相隨生紅朮於黑
壤兮黃猿領其白兒采瓊
華以為佩兮空山聞其誰
遣人洞而過天地兮溘飄
然余上征望徐則於桃水
兮跨石梁而揚靈猿裘瓊
靡之精兮茹朶花與紫腴
口傳與紫臺之妙韞兮振
金策以躡虛望扶桑之丹
楫兮余薄言其桔之儲磷
石與雲液兮胡不可以擷
之田太白而左轉兮眺二
仙於東陬象楊山朱雀兮

曰元武其金牛原夫坤軸之効靈兮迺構此於元造
後將生三品於有唐兮放毫光於寶誥於此開琉璃
之地道兮建日月之天宮朱閣中天而炯晃兮瓊臺
雲竦以玲瓏八桂森森以翼櫺兮琪樹蔭鶻以傾虹
胡紫薇與清虛兮穿全家於碧雲緬玉宇之非遙兮
詎巖天其未聞吼靈夔於法起兮香馥馥其楊烟迺
梵娛於桑門兮翳誰分乎四纏彼何世之民兮卧野
壑之間雲纒蒼藤以為屋兮結白鶴以為群朝搴浦

之江蘼兮夕攬洲之青蘋知一峰之嶙峋兮修內美
其無秋春粵三何之既湮兮望徐陵其愁予蓀獨美
乎夫人兮紉搖珮以詔汝浮翠竊於後頂兮曰倒座
之陰崖鳥雪夜之翔空兮筠紺族之當階後有人其
鵠立兮迺相空之在不空六入而湛圓兮石其生菩
提之樹迺鳳城以北眺兮將一老其咒虎長鯨遨乎
海之岼兮白磷磷以承宇攬余驂其低徊兮甸繡錯
以繽紛恐嘉禾之遲暮兮嗟民生之多勤馳余乘於

閭風兮迺下之乎瑶圃余既滋琅菜之九畹兮又樹
玉英之百晦孰黃龍之泊乎鷹遊兮復移楫乎朱崖
恐海颺之竊發兮曳白玉而徘徊儻善澤以余迺兮
雨冥冥而披青驄折珊瑚以為鞭兮披余駕乎朱宮
固紫蘭以要之兮余稅乎瑶池奏琅璈以俟余兮孰
云中情之可移紛猿狖其却走兮山靈歎以隩辭高
霞孤舉以飛翔兮神光蕩其合離惟此海天山色兮
其飛鳧以逍遙左右之青靄兮表裏乎紫霄孰云不

察汝之中情兮哲人豈不寤懷余情於九垓兮余焉
能淹而羈此終古彼詭質與怪章兮惟汝靈其鎮之
若夫衆芳之繁植兮惟汝庇其蔭之聽孤鶴之寒嘯
兮又遊鴻之遠吟騰八龍之蜿蜒兮飛白雲於故岑
迺其辭將終醉者婆婆青光方瞳拍板長歌曰我有
萬古宅近在蓬萊峯昨於三代時來種東海松朝騎
白龍過青天暮見滄海生桑田歌言未寂焱然高翮
窮目蒼蒼翳然滅跡

古胸考略

卷之五

十六

方湄漁灣賦

雲臺山志
并序

漁灣者予家別墅也居雲臺山塢中昔為漁人泊舟
處故名予祖父始營是地為菟裘馬除儵莽葺廬舍
安排泉石山之生面一開每春秋時遊屐不少間予
暇日輒偕友人浪作勝遊蓋不忘先子釣遊之意云
爾因援筆而賦之其詞曰

緬沁水之名園當年已矣悵平泉之佳石此日誰居
金谷華林徒傷心于茂草蘭亭梓澤總寄慨于邱墟

是則地匪人而奚重人閱世而遂殊繫彼崇山峻嶺
勝地名區或塵埋于僻壤或湮没于邊隅是以鹿柴
茱湾得摩詰而都成佳麗愚溪鈇鋸非柳州而終就
荒蕪維夫漁湾者郁州之一曲也峯徒蒼梧波連蓬
島也軸孤懸天池灑淼漂沙擧石鼓泱漭之洪濤浴
日浮槎幻仙靈而縹緲依依辟地結茆誰復邴原郁
郁非烟采藥空思坡老認樓臺之紫氣廛市偏多破
車馬於蒼苔遊踪絕少冷烟孤嶼一竿垂漁父之綸

暮雨危檣五兩泊蛋人之棹而已無何滄桑欲變陵
谷將遷五疊鼇愁精衛之冤沉頓洗三看水淺麻姑
之塵起非元蠟屐支笻客向丹霞嶺上疏泉鑿石人
家綠玉湾前洵乎有歸盤之樂而何惜夫買山之錢
惟我王父於焉登陟鶯乃遷喬龜因食墨燒薤菑畬
翦除荆棘背岩壑以棲遲踞林泉而釣弋既充魚鴈
之祖頗足雀猿之食不必雕甍繡闥臺十里而崢嶸
何妨縮版誅茆甘數椽之逼仄柴門映高柳以飄騷

蘚壁嵌纖蘿而掩抑一庭月到井梧之新影層層十
樹梅開紙閣之寒香默默提壺人至青鞋踏花雨以
俱來學稼軒開綠野襯香畦而一色且未暇數夫澗
谷之奇觀而先狀夫園林之佳植樹則老柏千尋枯
杉十畝皮裂半皴腹僵全剖或獸攫而夔睽或龍拏
而蛟吼支離擁腫儼膠轄之虬螭斑駁輪囷若陸離
之蝌蚪石則脂疑五色秀可一拳雨潤霞蒸幾認媧
皇之煉苔痕蘚跡還餘嬴政之鞭虎自何年躍向將

軍草畔牛從飲處恍逢織女機邊嶺頭則崎嶇何多
仙子叱來陣陣澗底則嶙峋無限高人漱作漸漸若
大岩名拜佛洞號朝陽歷三危之鳥道步九折之羊
腸滾子河邊蜀客鳴榔而客與西山園畔樵人伐木
以徜徉眺一桁之晴嵐畫裏黃癡倪嬾陟千尋之峭
壁眼前牛鬼蛇王花鏡石前林篩碎月珍珠簾下茗
煮生香則有泉似布懸崖如掌削為耕父之潛藏或
鮫人所寄托建瓴百尺銀瀉高峯淨練千層珠噴絕

壑天晴而雨訝沾衣晝暑而涼疑隕籜灣灣曲水觴
可同流細細清波纓堪共濯連漪澈底何殊印渚之
觀景物怡人不亞濠梁之樂若乃春風醉客春雨愁
人春山淡淡春水粼粼紅綬之桃堪礙帽青袍之草
可承裊玉笛樓中共鶯聲而細嘯斑駁陌上柳色
以初新短牆開到薔薇翠袖桑黃香浣露野徑攢來
石竹紅裙小衩錦堆茵盤馬之王孫繡鞵踏莎之遊
女香輪戲鼓鞦韆既盈郊而雜沓玉簫蠻管亦賽會

古胸考略

卷之五

十九

以紛陳及夫綠樹陰濃翠篠風細望朱櫻之紅綻萬
顆星懸看碧沼之花香一簾風遞山齋寂靜絕無襜
襖人來石徑陰森只聽淒清鶴唳蕉窻則揮塵而談
松院可移床而憩更或西山送爽東壁餘暄白露蒼
苔之渚碧雲黃葉之村紫岫烟霏烏柏全酣霜葉金
飈月上黃花正遶蓬門斷續寒蛩偏吟石砌聯翩塞
雁又下荒原倒村甕而酌殘醪醖送夕陽而吟遍黃
昏至於日淡冰漸橙黃橘綠彤雲密布飛成六出之

花綃縠輕裁綴滿千林之玉坐深屋而靜擁薰爐檢
殘編而高燒華燭溪頭獨釣若個烟蓑橋畔尋詩何
來蹇足却寒何有田家之楸枳思垠愛日多佳農父
之晴簷可曝更若幽坡踏去荒徑行來原頭誰氏之
墳野棠自發巖畔何年之寺寒殿空開斷碣則全埋
碧草陰廊則半歿青苔爰感時而念舊亦觸目以增
哀僕也心耽邱壑癖染烟霞樂村居之清靜厭塵市
之紛華不邀俗客自宿山家或閑敲夫棋子或沉醉

古胸考略

卷之五

二十

於園花滯墨魚吞時臨溪而洗硯清烟鶴避亦爇火
以烹茶攜手联床良友同許月花課晴問雨村夫共
話桑麻結山林之伴侶以筆札作生涯念海上之揚
塵無幾感先人之手澤偏賒爰率成夫駢偶曾不計
其疵瑕

集詩

州志已載者不重錄

梁

劉孝標過胸陽因登郁州山望海

滄溟联霄岫層嶺鬱嶮下盤鹽海底上轉靈烏翼
溟渺非可辨為洛信難測輕塵久弭飛驚浪終不息
雲錦曜石嶼羅綾文冰色

唐

李白東海有孝婦

梁山感杞妻慟哭為之傾金石忽暫開都由激深情
東海有勇婦何慚蘇子卿學劔越處子超然若流星
捐軀報夫讎萬死不顧生白刃耀素雪蒼天感精誠

古胸考略

卷之五

二十一

十步兩躡躍三呼一交兵斬首掉國門蹴踏五藏行
豁此仇儷憤粲然大義明北海李使君飛章奏天庭
捨罪警風俗流芳播滄瀛名在列女籍竹帛已先榮
淳于免詔獄漢王為緹縈津妾一櫂歌脫父於嚴刑
十字若不肖不如一女英豫讓斬空衣有心竟無成
要離殺慶忌壯夫所素輕妻子亦何辜焚之買虛聲
豈如東海婦事立獨揚名

劉長卿送齊郎中赴海州

華省占星動孤城望日遙直廬收舊草行縣及新苗
滄海天連水青山暮與朝閭閻幾家散應待下車招
劉長卿宿懷仁縣寄東海荀處士
向雪斂微雨暗開湖上天離人正惆悵新月愁婵娟
佇立白沙曲相思滄海邊浮雲自來去此意誰能傳
一水不相見千峰隨客船寒塘起孤雁月色分藍田
時復一回首憶君如眼前

長孫佐輔楚州鹽埭古墻望海

古胸考略

卷之五

二十二

胸山壓海口永望開禪宮元氣遠相合太陽生其中
豁然萬里餘獨為百川雄白波走雷電黑霧驚魚龍
變化非一狀清明分衆客烟開秦帝橋隐隐橫殘虹
蓬島如眼前羽人那可逢偶聞真僧言甚與靜者同
幽意頗相愜賞心殊米窮花間午時梵雲外春山鐘
誰念遽成別自憐歸所從他時相憶處惆悵西南峯
獨孤及早發龍苴館中寄東海李司倉鄭司戶
沙禽相呼曙色分漁浦鳴榔十里聞正當春風渡楚

水 值遠道傷離羣渡頭却望後湖岸別處已隔東
山雲停艫目送北歸翼惜無瑤華持贈君

崔銑海上雜言

天雞啼處海生潮東望蓬萊翠霧消紫貝高為雲外
闕青龍盤作日邊橋

宋

蘇軾和陶淵明雜詩

第十一首

我昔登胸山出日觀滄涼欲濟東海縣很無石橋梁

古胸考略

卷之五

二十三

今茲黎母國何異于公鄉蠓浦既黏山暑路亦飛霜
所欣非自罔不怨道里長

蘇軾次韻孫職方蒼梧山

蒼梧奇事豈虛傳荒怪還須問子年遠托鼇頭轉滄
海米依鵬背負青天或云靈境依賢者又恐神功亦
偶然聞道新春恣遠覽羨君平地作飛仙

張來登海州城樓

文潛宛邱集

城外滄溟日夜流城南山直對城樓溪田雨足禾先

熟海樹風高葉易秋疏傳里閭詢故老秦皇車甲想
東游客心不待傷千里檻外風煙盡是愁

蘇軾次韻孫巨源寄連水李盛二著作并以見
寄五首

高才晚歲終難進勇退當年正急流不獨二疏為可
慕他時當有景孫樓
南嶽諸劉豈易逢相望無復馬牛風山公雖見無多
子社燕何須戀塞鴻

古胸考略

卷之五

二十四

漱石先生難可意齒毡校尉久無朋應知客路愁無
奈故遣吟詩調李陵

雲雨休排神女車忠州老病畏人誇詩豪正直安仁
在定看河陽滿縣花

膠西未到吾能說桑柘禾麻不見春不羨京塵騎馬
客羨他淮月弄舟人

蘇軾送趙寺丞寄陳海州

景疏楼上喚蛾眉君到應先誦此詩若見孟公投轄

飲莫忘衝雪送君時

金

王寂送張希召出宰贛榆

拙軒集

耐久誰如故國山
送君直過穆陵關
一川魚鳥江淮近
千里農桑海岱間
老驥未甘塵土厄
仙鳧宜向水雲間
此行莫作三年別
考最當隨紫詔還

元

賈伯良蒼梧晚渡

古胸考略

卷之五

二十五

瀛海洋洋島淑青
沙頭候渡月將生
操舟二老醉逾健
放棹中流恬不驚
顧我不須嗟道遠
歸裝只欲待潮平
會當鞭石城橋後
來往晨昏各稱情
明

謝廷諒登雲臺山賦寄海州刺史楊公

所在循良妙譽揚
題輿曾識佩刀祥
脂膏不為身謀潤
清白流傳世德芳
東海拔襟臨馬耳
西川回首憶羊腸
綏山綬綰桃分碧
彭澤尊開菊正黃
紫氣乍古

郊子國清風似引益公堂秦迎日出朝天子孔望雲
移會谷王與觸乘桴興感歎歡從投轄且徜徉居人
指點蓬壺路津吏逢迎島嶼傍叩寂口含千里霧凌
虛氣應九鐘霜峻嶒石礪填精衛歷亂旌旗遶鳳皇
滄潦錦披函旭綯翠綸繡舉扇風翔三元法駕毫光
轉四照慈航慧澤洋八老褰裳朝托乘四童倚席夜
焚香金牛頂上傳真訣玉馬峯頭望故鄉躑躅羈懷
迷鴈浦踟躕樂土繫駒場鶯遷計日朝金闕鸞嘯何

古胸考略

卷之五

二十六

年跨石梁

魯王贈雲臺一心上人

一自結茅住海峯不堪回首見塵踪浮雲撥盡清霄
露夜半天心月正溶
蕭寺深藏大海東山暝晚磬度寒風逢僧為問禪機
事祇說三生是夢中
掛錫結茅住翠微青天為幕雲為衣山僧祇解山中
老一任紅塵下界飛

徐承武紅鶴林

如霞如錦影難尋
古嶺爭傳紅鶴林
却憶仙人乘得去
迎風空有想清音

黃九章登雲臺山四首

六鼇蹲海轉峻嶒
遙望天門捫歷登
白鳥色分蒼樹抄
元猿聲出碧雲層
巨靈劈石岩疑墜
大若驅濤地欲騰
長嘯劃然風乍合
圖南喚起九霄鵬
日光霞彩結層巒
獨上飛樓縱大觀
峯頂鶴鸞邀子

古胸考略

卷之五

二十七

晉雲頭雞犬過劉安
十方鉦鼓空岩應
三界宮祠香霧團
我自析靈兼覽勝
不妨散髮且盤桓

此是靈源最上頭
飛仙何處問金牛
頰開罨畫三千界
平湧芙蓉十二樓
絳節霞翻迎鳳輦
綵幢風引渡麟洲
凭栏指顧烟霄外
渺渺山河大地浮

祖龍刻石蔓莓苔
千載淙淙澗壑哀
築甬浪言通閭圃
植松尚聽撼風雷
參差琳字仍香火
十二金人委劫灰
世界滄桑那可問
海潮日夕去還來

黃九章金牛洞觀日出

初唱天雞海色昏須臾波面擁朝暉
麗空星斗俄收拾射水嵐霞互吐吞
北睇彤綃浮薊闕南看白練曳吳門
始憐擾擾人間世日出風塵九陌翻

趙躍龍登雲臺山

雲臺宮觀據東山俯瞰東溟烟樹間
鶴唳仙壇蒼柏老龍蟠古洞白雲間
歸來故里心猶赤夢覺迷途鬢欲斑
為愛清幽堪遣興年年結伴數緣攀

古胸考略

卷之五

二十八

楊應春孝婦祠

孝盡綱常重含冤志未伸貞心甘一死
炎火早三春骨賁山川秀魂隨日月新
古今稱竇氏青史不能湮杜梓登清風頂

天臨滄海濶路轉碧山斜浦迴寒浮雁
林疏晚集鴉坐邀三壘月行採十洲花
不用乘槎去車書正一家

武尚行萬樹叅天

詠雲臺山三十六景之一

山水鐘諸季森森萬木齊四郊青嶂合
一帶綠雲迷

天遠諸峰隱林深亂鳥啼
數掾誰卜宅樂道愛嚴棲

徐承武衆樂臺

以上俱雲臺山志

結伴尋幽蹟同登衆樂臺
松風隨客至花霧罩人來
野草迷遊屐山雲入酒杯
聯吟殊未倦得意幾忘回

何景明得王子衡贛榆書

大復集

萬里一書劄逾年傳帝都
竄身天地遠垂淚海雲孤
柳送燕臺駿花留漢殿鳧
亦霄終道路白髮且江湖
卞有第登雲臺山

古胸考略

卷之五

二十九

九龍橋已渡山勢益巍然
碧殿雲標望丹梯樹杪懸
梵花飄落雨仙吹韻鳴蟬
振袂凌千仞乘風便欲僊
國朝

孫斯位夏雨晚霽懷東海楊子瑾菴

莪蒿集

風雨海上來瀟洒鳳城闕
紅鶴林谷暝青龍礪雲渤
蕭條孤興清空窗醒睡兀
須臾花香至風聲晚來歇
槐陰生夏涼流雲吐新月
泠泠花露潔熠熠林光發
白河望迢遙青山夜超忽
高齋生遠心坐看曙星沒

孫斯位薄暮河干詠懷二十五首

錄二

徘徊望東海欲濟苦無梁碧水揚洪波雲濤振山岡
嗟彼徐仙人自昔曾飛翔天台跨石橋千古正相望
招搖楫西北天氣降嚴霜寒風何凌厲獅巖草萎黃
埋聲滄漭濱回顧慘愴涼

鵲鴿鳴海岸

壬子秋試金陵病歸舟中危甚家兄等迎至恬風渡

潮水消秋潯

孤帆亦已渡鬱洲曉陰陰容貌非昔好痛入二人心
妻子暗自悲淚下濕衣袵烏鴉聲何厲晨皆鳴北林

古胸考略

卷之五

三十

九九黃花節魚符若來臨

九日幾逝

絳囊空自佩壺公不

可尋

覺羅普爾泰送郁州山人歸雲臺山二首

磊落當今士惟君迴出群昂藏懷壯略博雅著鴻文
鳧嶧山頭月蒼梧嶺上雲何當經歲聚惆悵袂初分
楊柳閔河路臨歧送客歸慚余非主道羨爾重庭闈
古驛留秋色青山趁落暉相期來歲約莫戀故園薇

凌廷堪雲臺山二十四景

錄七

塔影團圓

路入雲臺境團圓識古宮山光蒼樹外塔影白雲中
九級功施普千秋享祀崇荒唐稽故實野語笑雷同
雲護天門

郁郁繞天門紛紛四望盈述離濃復淡隱約散還縈
偶識因風起還驚觸石生氤氳真異境坐此足怱情
九澗爭流

萬壑瀉飛泉千山瀑布懸相看九澗水爭落一溪烟

古胸考略

卷之五

三十一

響與松聲和寒隨雨氣連石橋閒憩息雲樹總茫然
後頂觀潮

蒼茫連碧海極目望悠悠浪湧鼉鼉伏波翻日月浮
奔騰吞遠嶼出沒亂虛舟試問逍遙客何如水上鷗

別峰桃霧

別有峰巒起桃花處處紅多情含曉霧有意炫春風
點綴環青嶂依稀映碧空迎眸渾不辨疑在武陵中

東磊奇石

峻岫呈異態萬疊勢嵯峨不是鞭羊起非關射虎訛
雲生迷翠黛雨過洗青螺遙映松篁裏偏饒別致多

仙橋霽雪

寒山初霽後積雪滿橋東凍合千峰路花開幾樹風
詩吟驢背上景憶畫圖中更欲尋仙跡登臨興不窮

陳鵬年益州院

雍容群識上賓賢慘澹乘時氣節堅奴容二千仍助
國姓名應並卧龍傳

古胸考略

卷之五

三十二

張鴻烈和海州李君夢水殿拋毬曲

淮南詩鈔

花月楊州一旦休邗江不接汴宮流玉鈎斜畔沉香
冷猶有書生夢打毬

幾處行宮待晉王淒清水殿戲鴛鴦瓊花一落毬場
散歲歲野棠春草香

劉琨鳳凰城西春望

縱目城頭風日嘉濃香市地綻天葩莫言草木無情
甚猶鮮逢春一度花

孫讀蒼狼坡

南山草色半青黃古木陰深路已荒疑是此中多豹
隱士人誤指說蒼狼

張鴻烈佛郎機

美沭陽胡侍郎璉
戰功也淮南詩鈔

鯨波弗靖島寇亂華火器猛迅殺人如麻厥器何名
佛郎機牙誰其殪之封豕長蛇胡公一怒令肅風沙
折馘授首如割鱸魴奪具利器捷於鎬鄒流傳中國
機巧有如文臣不封至今嘆嗟

古胸考略

卷之五

三十三

江之蒞朝議開復雲臺六首

後山集

三十年前夢錫環 蒞三十年前曾夢三元大帝持
金耳環中嵌宝珠旁圍八索

今天覺觀

天顏乾坤統握歸河伯 所見水官
乃服碧衣 嶽瀆分符靖海蠻

蕉鹿曾經臨玉宇恒沙快靚破迷關

九重指日絲綸賁笑指雲臺第一山

誤指衣環夢識圓庸知鼎鼐始回天 蒞昔夢帝賜環
後誤以環為還

為復海之兆及今思之乃應朝議諸公姓緯如左銓
諱爾都憲姓金冢宰諱珠中堂姓索益見興廢有数

漆園自兆鴻嗷息金縷誰占白壁還山斗咸臨依
福王鹽梅力奏慶歸田南何別寓包胥意應悔文通
詮未全

彈欽多年類轉蓬長安蕭鼓值天中祥開

紫禁欣逢且瑞靄龍池快祝嵩遙憶黃華鳧影碧應
期

丹詔鳳銜空帝鄉飄泊新豐遠慚愧推敲句未工

燕雲日望鎮山腰目斷鱗鴻道路遙盛署欣瞻仙掌

古胸考略

卷之五

三十四

露愁心怕聽海門潮斗南紫氣千奎野

海州乃奎
星分野

冀

北萍踪愧黑貂風雨有懷愁不寐金臺何事夜吹簫
行旌一片拂雲斜快睹文星惠澤賒司馬回

朝敷湛露庭堅輔國識

重華無波應有鮫人貢哀鴈還期百堵加會奏瀛臺
邀

帝春蒼倍萬并拂桑麻

召星燦燦紫垣旁

聖主恩隆福海疆伊呂籌邊歌耆定夔龍補袞嗣陶
唐陽回澤國絃薰奏勒

賜雲山雨露香願進華封無以祝采薇天保化舒長

常建極寄雲臺山僧十首

五百年來又閉關一瓶一鉢占雲山不知身在乾坤
裏只覺名逃混沌間遠岫排空青段段暗泉通座閣
潺潺春花未了秋花發閒看維摩到處攀

笑我風塵未即休絲絲殘雪漸盈頭難成今日還山

古胸考略

卷之五

三十五

計妄作他年出世遊半嶺白雲蕭帝寺滿林黃葉贊
公樓秋來下榻還能記卧聽松聲枕上流

宛轉花田間藥畦山光最好佛樓西古苔賦雨崇階
沒灌水籠烟配殿齊塵信絕來春鴈斷禪機參破午
雞啼駭人心目驚人耳龍吐鯨吞八九溪

羸形渾不稱烏紗只合耕雲復耨霞煨芋曾分山寺
火釣鼈難覓海門槎草經寒燒全無綠梅過小春應
有花見說蓬萊又清淺波濤堆裏足桑麻

涉世何須問險夷，鬢邊贏得素絲垂。
難從丹井逢三雜，欲向祇林借一枝。
暮雨纖纖紅葉徑，曉風冉冉白蓮池。
枯禪生罷分吟處，應億揚州杜牧之。
林深巒密畫冥冥，燈隱禪房數點青。
狢子爭窺初熟果，僧雛補讀未完經。
細刪說綠求原本，偶答機鋒見性靈。
彌勒曰來貪米汁，不教雙眼看人醒。
山矗龍門自不同，天留一線與人通。
屏開幾曲姿羅月，香散雙林貝葉風。
身世全歸縹緲際，樓臺半入有

古胸考略

卷之五

三十六

無中年來欲問扶桑事，又見麻姑到海東。
記得溪橋曳杖行，岩花野草向人馨。
山紅十里垂櫻實，松碧千秋養茯苓。
蚪蚪綠沈唐代碣，虬龍青剝宋時鏘。
興衰不例人間世，萬古天清與地寧。
大塊難禁暗裏銷，流光流水兩滔滔。
百年有限少歡日，四海無端多怒濤。
山接飛泉東磊勝，僧逢齊己貫休高。
殷勤寄語岩樓客，一領荷衣勝錦袍。
頭顱老人費安排，卜築牆東願未諧。
詩墨求名酣一

戰醉鄉辭爵降三階

時余因病止酒

胡僧許借逃禪榻毛女

應分拾翠崖從此翻身歸棒下毒龍降得那全乘

李震重登雲臺山有感二首

七年蚊負海東賓自別青山二十春每憶宦遊成夢
境始知勝地待閒人雲鐘風磬仍仙梵貝葉曇花有
宿日相遇老僧談往事不堪回首嘆風塵

三元宮殿氣霏微雲樹蒼茫對夕暉種竹已穿當日
徑量松更長舊時圍溪通活水源源發花落空林點

古胸考略

卷之五

三十七

點飛最是呢喃新燕子似曾相識語依稀

衛哲智憂民二首

春光無奈牧民何日向田間幾度過鵠面鳩形空有
怨漁郎蠶婦杳無歌賑蠲已發

皇恩溥凍餒終因水患多安得禹功今復見耕桑到
處斬蓬蘿

又值春寒可奈何送窮無計帶愁過遷喬未遂黃鶯
意解凍翻成白雪歌有客晨炊薪桂少誰家晚膳米

珠多天心仁愛東風轉不斷遊絲附女蘿

崔應階雲臺山進香恭記

雲臺仙境勢凌空疊磴盤紆鳥道通朱闕迴臨三界
外滄溟遙瀉一杯中蒼生願錫福如海膏澤光祈雨
我公時方望雨潔進瓣香酬
帝德祇承敢不肅虔衷

崔應階登雲臺望日峯

峭壁峻嶒聳碧空白雲深處隱琳宮三元自昔鍾天

古胸考略

卷之五

三十八

地百福而今錫叟童鶴馭遙飛滄溟外鯨波直射海
門東偶來拄策閒遊眺不道登臨志更雄

崔應階晚渡黃河至海州

雲臺志

來往巡行不廢吟征裘猶怯曉寒侵帆收瀛海黃河
盡黃河由北入海馬踏荒原白草深斜日已看沉遠戍望雲
何處得為霖停車且就孤城宿移我情深一曲琴

王廷和壬寅初將之海州學任留別諸同學回

律 愛吾廬詩鈔

餅噉紅綾未許陪幸逢

雨露九天來燭條
炮已成前夢芸帙熏還愧雅材
壽考獲覘薪樵化卑栖寧作稻梁媒
迢遙郟子城邊路遙策東風踏落梅

羽畎飛翬識此邦
幾程水驛涉淮江
艣搖背指雲間樹帆挂橫看海上
艘擁坐羶寒仍故物登盤菜細憶
春窗從今側帽联吟客孔望山頭別緒雙

文場掉鞅氣崢嶸
彈指俄將二紀更
屢上春官虛一

古胸考略

卷之五

二十九

第

丑 余 庚辰 辛巳 壬辰 辛丑 禮 闈 俱 薦 未 售

且開講舍坐諸生
銜花似雀

懷

恩過喘月如牛怯
遠行莫笑浮沉行
頭屋好裁書帶
學康成

一絲攬鬢感雙丸
去去鱸鄉擲釣竿
敢詡文章鳴盛治
漫叻升斗廁閒官
空囊擔我思偏澀
瘦馬逢人倒覺酸
潑眼山園烟竹好
殷勤儘與報平安

唐陶山夫子

仲冕

將赴英門舟中述海州風景

十二首 陶山詩鈔

入境難求水味甘
黃茅白葦駕驂驪
那知雉堞北山
北却憶鶯花三月
三雲氣忽然來
海上風光全不似

江南曼卿已作芙蓉主
但賸巉岨石一龕
曼卿判海州有芙蓉

司萬花巖故跡

下車三日上雲臺
不為登臨疊嶂開
紫府神君蟠島嶼
綠章封事啟風雷
黃公家碧晴烟散
孝婦祠陰暮雨來
小麥高田望霑足
青伊湖已怨汙萊

古胸考略

卷之五

四十

恬風古渡白沙平
峭壁飛泉尚有情
薛拂唐碑師子

石 鬱林觀有唐崔逸隸書摩崖 雲封宋堞鳳凰城 東海營故鳳凰城賈似道築

鯨波未靖曾裁海
鼇極常安特建營
欲訪秦東門刻處
之朶縹緲晚潮生

元虛作賦不言鹽
府海由來厲禁嚴
利奪牢盆齊國煮
法施足趾楚人鉗
池通方罫連天白
垣起圓椒突地尖
物產無多民產匱
最難調劑是閭閻

景䟽臺上舊懷清
鼓篋譚經九席橫
月旦有人推許

劭

觀風得許生
桂林為雋

風流他日繼匡衡親裁甲乙三千牘

會闢東西一百楹

擬建耆
院誠棚

莫怪天荒綠地瓜五雲深

處即蓬瀛

絕潢斷港壅溝畦半近山阿半礪谿一畝宮多無甲

第七施泉少有庚泥爰居門外風常壯牡蠣牆頭日

易西不是催科全不用年年

蠲復養窮黎

聞道重湖水易瀦桑田六月地沮洳當乘未雨綢繆

古胸考略

卷之五

四十一

早敢使無鳩勞來踈漢案戶疑還博望河盛囊似困

龍苴般勤父老條宣洩勸我循行有故渠

寬柔為政歷三吳敢以威行懾海隅駟馬門高無接

摺

于定國
州人

黃能淵涸有萑符

羽山
多盜

化梟何術為鶯集

佩劔終須見犢驅京兆莫欺纔五日上官方奏持分

符

雨餘石罅水晶圓採掇從他不稅錢偶下朱符徵鶴

戶

州產鶴
有鶴戶

欲題墨榜揭魚船仙禽豈受官徭役水族

何容伍藉編多謝山樵獻山藥

州產何首烏

年來鬚鬢已

蒼然

馬疲東野想優游到此崎嶇未少休桑孔兼權州刺

史邾滕小會澤諸候訟庭那許清槐夏行縣難逢稔

麥秋轉憶送迎當赤緊看花選樹儘勾留

望海亭懸渡海帆

官廡有望海棗香二亭

棗花香入萬花巖三

更日射黃金榜五月寒生白紵衫偶寄南柯寧有夢

衙齋有槐二株顏其齋曰寄柯

初移小竹不須芟吾兄為葺新茅屋

古胸考略

卷之五

四十二

已報巢泥燕子銜

中河波淺樣輕艫信宿符簷旅店窗打麥聲中嘶小

騎轉蓬塵外度橫杠潮音己上琴三疊舟具曾無鶴

一雙路入淮陰風色利蒲帆半日到刊江

孫源潮癸亥新正雪霽行雲臺山道中口占

雲臺百里半空橫人指嵯邊踏雪行後頂深藏前頂

現一峰秀拔衆峰清

雲臺山分前後頂居衆峰之中央

環山兩鎮東

西路

雲臺周圍百數十里山之東曰東路鎮山之西曰西路鎮兩鎮村舍均環繞于山麓之間

守海重營南北城

山之南曰南城為入山咽喉山之北曰北城為北海口岸二城相距

八十里東海 祇此一鄉稱沃壤不愁潮退與潮生

州境

營分兵駐之 東南西南行下患水西鄉雖高阜地多沙石惟雲臺
山中可稱沃土以衆山環抱永無水患惟傍山只有
兩鎮地狹而曰亦少吾為
此鄉喜吾為州民憂矣

唐陶山夫子回任海州四首

彤庭謁後拜真徐大府頻催敢息居新錫簪纓懸百
琲重來旌旆擁單車白頭自笑遼東豕頰尾還憐海
大魚害馬敗群權在牧持鞭僕僕羨樵漁

時以相
驗赴鄉

古胸考略

卷之五

四十三

洪門飛雨挾潮回城向山屏百堞開渡口日斜窺石
室樹頭風定認雲臺但餘故壘平章築那有新花學
士裁多謝青衿與黃髮道旁齊揖使君來
去年小試趙張風俗尚敦龐己新同秋入罨星愁涸
鮒春生甕露集蜚鴻初營學舍烝髦士頻禮雩壇應
上公見說昆蟲今不害孫洙自旨奏成功
文史休驚駕鉄船每從周度佩韋弦鑷絲在篋常懷
友拔薤當門願事賢青嶂丹崖客我造曲臺淹壁有

人傳

謂許桂林

循行恰遇秋郊雨蟋蟀聲中種麥天

凌廷堪登雲臺山

易桐集

千仞崔嵬峻莫板天邊濃結綠雲鬟泉懸絕壁垂寒
練日浴洪濤轉大轘萬里風波回砥柱千秋巒嶂作
重閉團圓塔影浮雲外半插青霄半倚山

補遺

袁枚赴贛榆鞠獄道出海州

小倉山房詩集

出郭輕裝一馬馱朔風寒月滿潮河怕聽前路烟村
少喜說吾邦麥草多海氣作雲微慘澹天心釀雪強

古胸考略

卷之五

四十四

溫和此行為折于公獄暫別其如父老何